

Навоий вилояти автомобил йўллари худудий бош бошқармаси билан Учқудук туман йуллардан фойдаланиш унитар корхонаси ўртасида умумий фойдаланишда бўлган давлат аҳамиятидаги автомобиль йулларини саклаш ишлари буйича 2022 йилга тузилган

Ш А Р Т Н О М А. № Д.Учқ-5/22

Навоий шахри

« 29 » январь 2022 йил

Кейинги ўринларда «Буюртмачи» деб юритиладиган Навоий вилояти автомобил йўллари худудий бош бошқармаси номидан Низом асосида иш кўрувчи бошлиғи **Э.Камолов** бир томондан, матнда кейинги ўринларда «Пудратчи» деб юритиладиган «Йул хизмати курсатувчи» Учқудук туман йуллардан фойдаланиш унитар корхонаси номидан корхона Низоми асосида иш кўрувчи директори **Э.Мўминов** иккинчи томондан, Ўзбекистон Республикаси Президентининг 2017 йил 14 февралдаги ПҚ-2776-сонли қарорига асосан Ўзбекистон Республикаси Автомобил йўллари қўмитаси томонидан аниқ манзилли йул ишлари руйхатида тасдиқланган Учқудук тумани умумфойдаланувдаги автомобиль йулларини асраш, таъмирлаш буйича ушбу пудрат шартномасини туздилар.

1. Т А Р И Ф Л А Р .

1. Мазкур шартномада куйидаги тарифлар кулланилади:

Ижро хужжатлари – жойида бажарилган ишлар ёки ишларни бажариш учун масъул булган шахслар томонидан уларга киритилган узгаришларни ушбу ишчи чизмаларга мувофиқлиги тугрисидаги ёзувлар билан биргаликда йул қурилиши, таъмирлашга ишчи чизмалар ва ишларни бажаришда кулланилган материаллар, конструкция ва деталларнинг сифатини тасдиқловчи бошка хужжатлар, беркитилиб кетадиган ишлар тасдиқланганлиги тугрисидаги далолатномалар, ишларни бажариш дафтарлари, йуллардан фойдаланиш буйича курик журналлари, йул ва куприклар паспортлари, ҳаракат жадаллиги кайдномаси ва бошка йулларга оид хужжатлар.

Йул қурилиш минтақаси – мазкур шартнома доирасида барча йул ишларини бажариш даврида ва ушбу йулдан фойдаланиш жараёнида пудратчи томонидан фойдаланиш ҳуқуқига эга булган ер майдони, минтақаси.

Вактинчалик иншоотлар – пудратчи томонидан қурилиш ёки таъмирлаш майдонида урнатиладиган ва ишларни бажариш учун зарур булган хар қандай типдаги вактинчалик бинолар ва иншоотлар.

Беркитиладиган ишлар – сифат ва аниқлигини кейинги ишлар бажарилгандан сунг аниқлаш мумкин булмаган кейинчалик бажариладиган ишлар ва конструкциялар билан беркитиладиган ишлар.

2. ШАРТНОМА МАКСАДИ.

1. Буюртмачи Навоий вилояти автомобил йўллари худудий бош бошқармаси Учқудуқ туман йуллардан фойдаланиш унитар корхонаси тасарруфига берилган 708 км давлат аҳамиятдаги умумфойдаланувдаги автомобиль йулларини Ўзбекистон Республикаси Вазирлар Маҳкамасининг 2006 йил 1-ноябрдаги 226-сонли қарорига (31.12.2011 йил ўзгартириш киритилган 352-сон) асосан сақлаш ишларининг мақсади:

автомобиль йўллари ва йўл иншоотлари элементларини соз ҳолатда сақлаш, шунингдек автомобиль йўлининг бутун узунлигида йил мобайнида бажариладиган автомобиль йўллари ва йўл иншоотларининг техник қурилмалари иш режимлари бўйича комплекс ишлар, йўл, йўл иншоотлари ва ажратилган минтақага қараш, доимий равишда пайдо бўладиган майда шикастланишларнинг олдини олиш ва уларни бартараф этиш, ҳаракат хавфсизлигини ташкил этиш ва таъминлашдан иборат.

Ундаги барча иншоотлар, йул жихозлари ва унинг барча мол-мулки Ўзбекистон Республикаси «Автомобиль йуллари тугрисида»ги Қонуннинг 8-моддасига асосан корхонага қарашли автомобил йўллари қайси корхона, муассаса ва ташкилот балансида турса, ана шу йўлларнинг сақланишини таъминласа, шу корхона, муассаса ва ташкилот ихтиёрида бўлади

3. ШАРТНОМА БУЙИЧА ИШЛАР КИЙМАТИ.

3.1. Шартнома баҳоси Учқудуқ туман йуллардан фойдаланиш унитар корхонасининг 2022 йилда тасдиқланган йул ишлари чекланган манзилли рўйхати ва харажатлар сметаси асосида **895 269 000 (саккиз юз тўқсон беш миллион икки юз олтмиш тўққиз минг)** сўмни ташкил этади, **шундан 288 594 000(икки юз саксон саккиз миллион беш юз тўқсон тўрт минг)** сўм бошқарув апаратыни сақлаш харжатлари ҳисобланади.

3.2. Шартнома баҳоси автомобиль йулларини сақлаш, таъмирлаш ва бутун йул мулкани асраш харажатларини уз ичига олади.

3.3. Шартномада белгиланган ишларни бажаришда шартнома баҳоси узил-кесил ҳисобланади ва кейинчалик қайта куриб чиқилиши мумкин эмас, қуйидаги ҳоллар бундан мустасно:

- курилиш қийматини қупайтиришга енгиб булмайдиган куч (форс-мажор) ҳолатлари сабаб булганда;

- ишлар ҳажми Буюртмачи томондан ўзгартирилганда;

- курилиш-таъмирлаш ишлари бир йилдан ортиққа ўзгартирилганда;

3.4. Курилиш ва таъмирлаш муддати бир йилдан ортиқ булганда, иккинчи йилга ва кейинги йилларга шартномавий нархларни аниқлаштириш қонун ҳужжатларида белгиланган тартибда амалга оширилади.

4. ПУДРАТЧИНИНГ МАЖБУРИЯТЛАРИ.

4.1 Мазкур шартнома бўйича ушбу шартноманинг 2-булимида қўзда тутилган ишларни бажариш учун;

- автомобиль йулларини асраш, таъмирлаш тизимидаги йул хизматининг Ўзбекистон Республикаси Автомобил йўллари давлат қўмитаси олдидаги мажбуриятлари тугрисидаги 5-иловадаги курсатмаларга каттик риоя қилиш;

- барча йул ишларини мазкур шартномада ҳамда унга иловага мувофиқ ишларни бажариш жадвалида назарда тутилган хажм ва муддатларда узининг кучлари ва ёки жалб қилинган кучлар билан бажариш ҳамда ишни Буюртмачига топшириш;

-қурилиш майдонига зарур қурилиш материаллари, буюмлар, конструкциялар, асбоб ускуналар ва бутловчи буюмлар, қурилиш техникасини етказиб бериш, уларни қабул қилиш, тушириш, омборга жойлаш ва сақлаш;

-йул қурилиш минтақаси ва майдонида вақтинчалик иншоотлар қуриш;

Буюртмачини пудрат шартномалари тузилиши давомида субпудратчилар билан шартномалар тузилиши, шартнома мавзуси, субпудратчининг номи ва манзили тугрисида хабардор қилиш;

Қурилиш майдонида техника хавфсизлиги, ишларини бажариш вақтида атроф мухитни, утказилган дарахтларни ва йул минтақасини муҳофаза қилиш бўйича зарур тадбирлар бажарилишини таъминлаш, шунингдек ёритиш чироклари урнатиш;

Қурилиш майдони қурикланишини таъминлаш;

4.2 Пудратчи мазкур шартнома бўйича барча ишларни уз кучлари билан ва субпудратчилар томонидан зарур тарзда бажарилиши ҳамда объектнинг фойдаланишга тайёр ҳолда топширилиши учун Буюртмачи олдида тулик мулкӣ жавоб беради;

5. БУЮРТМАЧИНИНГ МАЖБУРИЯТЛАРИ:

5.1. Мазкур шартномани бажариш учун Буюртмачи:

мазкур шартнома имзоланган кундан бошлаб, уч кун муддатда мазкур шартномага – иловага мувофиқ ишларни бажариш учун яроқли булган қурилиш майдонини объект қурилиши ва қурилиш тугаллангунча булган даврда далолатнома бўйича Пудратчига беради.

Ишлар бажарилиши устидан доимий архитектура - қурилиш назоратини ва мазкур шартномада қайд этилган Пудратчи томонидан йулларни асраш, таъмирлаш ва қуриш бўйича ва бошқа қабул қилинган мажбуриятлар функцияларига риоя этилишини назорат қилиш, Пудратчидан тугалланган ишларни қабул қилиб олишни таъминлаш;

Пудратчининг барча мурожаатларини ун кун муддатда қуриб чиқиш ва қарор қабул қилиш;

ушбу шартномада назарда тутилган мажбуриятларни тулик хажмда бажариш мажбуриятини олади.

6. ИШЛАРНИ БАЖАРИШ МУДДАТЛАРИ.

6.1. Пудратчи мазкур шартномага илова қилинадиган молиялаштириш жадвалига мувофиқ биринчи аванс тулови тушган кундан бошлаб ишларни бажаришга қиришади ва баённомага асосан қучга эга бўлади.

7. ТУЛОВЛАР ВА ХИСОБ-КИТОБЛАР.

7.1. Буюртмачи Пудратчига шартнома буйича молиялаштириш ва ишларни бажариш жадвали асосида ҳар ойда бажарилиши лозим этиб белгиланган ишлар кийматининг 40% ни аванс тариқасида утказди.

7.2. Жорий молиялаштириш аванс тўлови амалга оширилгандан сўнг, кейинги тўлов бажарилган ишлар далолатномасига асосан ҳисоб-китоб қилинади.

8. ИШЛАРНИНГ БАЖАРИЛИШИ.

8.1 Буюртмачи қурилиш майдонида уз вакилини техник аудиторини тайинлайди, у Буюртмачининг номидан бажарилаётган ишлар сифати устидан техник назоратни амалга оширади, шунингдек Пудратчи томонидан фойдаланиладиган материаллар ва асбоб ускуналарни шартнома шартларига ва иш ҳужжатларига мувофиқлигини текширади.

8.2. Техник аудитор ишлар бажарилишининг ва шартноманинг бутун даври мобайнида ишларнинг барча турлари билан тусиксиз танишиш ҳуқуқига эгадир.

8.3. Пудратчи техник аудиторни ишлаш учун жой билан таъминлайди. Техник аудитор Пудратчи томонидан утказиладиган қурилиш майдонида ишларни амалга ошириш чоғида пайдо булувчи масалаларни ҳал қилиш буйича йиғилишларда мунтазам равишда қатнашади.

8.4. Пудратчи ишларни бажариш лойиҳасига ва мазкур шартноманинг ҲП-булимида курсатилган муддатлар билан мувофиқлаштирилган уз режаси ва жадвалига биноан объектда ишларни бажаришни мустақил равишда ташкил этади.

8.5. Қурилиш майдонида умумий тартибни таъминлаш Пудратчининг вазифаси ҳисобланади.

8.6. Қурилиш майдонида ишларни бажариш даврида коммуникацияларни вақтинча улашни ва улаш нуқталарида янгидан қурилган коммуникацияларни улашни Пудратчи амалга оширади.

8.7. Пудратчи Буюртмачининг ишларни бажариш дафтарига киритилган ёзма рухсатномасидан кейингина кейинги ишларни бажаришга киришади.

8.8. Агар беркитиладиган ишлар Буюртмачининг курсатмасига мувофиқ беркитиладиган ишларнинг исталган қисмини уз ҳисобидан очишга сунгра эса уни тиклашга мажбурдир.

8.9. Агар Буюртмачи Пудратчи ёки унинг субпудратчилари томонидан ишларнинг сифатсиз бажарилганлигини аниқласа, у ҳолда Пудратчи уз қучи билан ва таъминлаш қийматини қупайтирмасдан ушбу ишларни уларнинг зарур сифатини таъминлаш учун қелишилган муддатда қайта бажаришга мажбурдир.

8.10. Пудратчи қурилиш ёки таъмирлаш майдонини ва унга туташ йул, қуча тасмасини, шу жумладан йул участкалари ва йулақларни озода сақлайди, қурилиш даврида майдондан қурилиш қикиндиларини Буюртмачи томонидан курсатилган жойга қикариб ташлайди.

8.11. Ишлар бошланган пайтдан улар тугаллангунгача Пудратчи йулларни асраш учун қурик дафтари, таъмирлашда ишларни бажариш дафтари

юритади. Дафтарда бутун ишларнинг бориши, Буюртмачи ва Пудратчининг узаро муносабатларида ахамиятга эга булган холлар ва холатлар акс эттирилади.

Агар Буюртмачи ишларнинг бориши ва сифатидан ёки Пудратчининг кайдларидан коникмаса, у холда ишларни бажариш дафтарыда уз фикрини баён килади.

9. ШАРТНОМАНИ БЕКОР ҚИЛИШ.

9.1. Буюртмачи:

Шартнома кучга киргандан кейин қурилишнинг бошланиши Буюртмачига боғлиқ бўлмаган сабабларга кўра Пудратчи томонидан бир ойдан кўп вақтга кечиктирилганда;

Пудратчи томонидан шартнома шартлари қурилиш меъёрлари ва қоидаларида назарда тутилган ишларни сифати пасайишига олиб келадиган даражада бузилганда;

Қонун ҳужжатларига мувофиқ бошқа асослар бўйича шартномани бекор қилинишини талаб қилиш ҳуқуқига эга.

9.2. Пудратчи:

Ишларни бажарилиши Пудратчига боғлиқ бўлмаган сабабларга кўра Буюртмачи томонидан бир ойдан ортиқ муддатга тўхтатиб қўйилганда;

Буюртмачи томонидан молиялаштириш шартлари бажарилмаганида;

Қонун ҳужжатларига мувофиқ бошқа асослар бўйича шартномани бекор қилинишини талаб қилиш ҳуқуқига эга;

9.3. Шартнома бекор қилинганда Буюртмачи ва Пудратчининг қўшма қарорига кўра тугаллармаган қурилиш бир ой муддатда Буюртмачига берилади Буюртмачи бажарилган ишлар қийматини Пудратчига тўлайди.

9.4. Мазкур шартномани бекор қилишга қарор қилган томон мазкур бўлим қоида-сига мувофиқ иккинчи томонга ёзма билдиришнома юборади.

9.5. Ёзма билдиришнома юборилган кундан бошлаб 15 кун муддатда иккинчи томон билан келиша олмаса тегишли Иқтисодий судларга мурожаат қилиш йўли билан шартномани бекор қилиш ҳуқуқига эга.

9.6. Шартнома бекор қилинган тақдирда айбдор томон иккинчи томонга етказилган зарарни, шу жумладан бой берилган фойдани тўлайди.

9.7. Шартнома бир томонлама бекор қилинишига йўл қўйилмайди, қонун ҳужжатларида ёки мазкур шартномада қутилган холлар бундан мустасно.

10. КОРРУПЦИЯГА ҚАРШИ ТАЛАБЛАР.

10.1. Ўзбекистон Республикаси Президентининг 2021 йил 14 сентябрдаги “Шартномавий муносабатларни тубдан такомиллаштириш чора-тадбирлари тўғрисида”ги ПФ-6313 сонли Фармонида мувофиқ, Пудратчи томонидан коррупцияга қарши қўшимча шартларга риоя этилмаганда, иккинчи тараф шартномани бир тарафлама тўхтатиб туришга, бекор қилишга ҳамда зарарни тўлиқ қоплаб беришни талаб қилиши шарт.

10.2. Ушбу шартноманинг ҳар бир тарафлари бир-бирига нисбатан амалдаги коррупцияга қарши кураш талаблари, шу жумладан бу билан чекланиб қолмасдан барча амалдаги қонун ва қоидаларга оид шартларини ва талабларни тадбиқ этилишини ифодалайди ва қафолатлайди

11. ТОМОНЛАРНИНГ МУЛКИЙ ЖАВОБГАРЛИГИ.

11.1. Томолардан бири шартнома мажбуриятларини бажармаган ёки зарур даражада бажарилмаган тақдирда айбдор томон:

иккинчи томонга етказилган зарарни қоплайди;

Ўзбекистон Республикаси Фуқаролик кодексида, «Хўжалик юридувчи субъектлар фаолиятини шартномавий-ҳуқуқий базаси тўғрисида» ги Ўзбекистон Республикаси қонунида, бошқа қонун ҳужжатларида ҳамда мазкур шартномада назарда тутилган тартибда бошқача жавобгарликка тортилади.

11.2. Мазкур шартномага кўрсатилган ўз мажбуриятларига риоя қилмаганлиги, ўз вақтида молиялаштирмаганлиги ва шартномада белгиланган бошқа мажбуриятларни бузилганлиги учун Буюртмачи Пудратчига кечиктирилган ҳар бир кун учун мажбуриятларнинг бажарилмаган қисмининг 0,3 фоизи миқдориди пеня тўлайди, бунда пенянинг умумий суммаси бажарилмаган ишлар ёки кўрсатилмаган хизматлар қийматини 30 фоизидан ошмаслиги лозим.

Пеня тўланиши Буюртмачини шартнома шартлари бузилиши туфайли етказилган зарарни қоплашдан озод қилмайди.

11.3. Буюртмачи томонидан топилган нуқсонлар ва камчиликлар ўз вақтида бартараф этилмаганлиги учун Пудратчи Буюртмачига муддати ўтказиб юборилган ҳар бир кун учун сифатсиз бажарилган ишлар қийматининг 0,3 миқдориди пеня тўлайди, бунда умумий суммаси сифатсиз бажарилган ишлар қийматининг 30 фоизидан ошмаслиги керак.

Пеня тўлаш Пудратчи ишларни бажаришнинг ёки хизмат кўрсатишнинг кечикиши туфайли етказилган зарарларни қоплашдан озод қилинмайди.

11.4. Шартнома бўйича мажбуриятлар бажарилмаганлиги учун мазкур моддада назарда тутилган жазолардан ташқари шартномани бузган томон иккинчи томонга бошқа томон тарафидан қилинган харажатлар, мол-мулкнинг йўқотилиши ёки шикастланишида, шу жумладан бой берилган фойдада фодаланадиган пеня билан қопланмаган зарарни қоплайди.

11.5. Муддати ўтказиб юборилганлиги ёки мажбуриятларни бошқача тарзда зарур даражада бажарилмаганлиги учун пеня тўлаш томонларни ушбу мажбуриятларни бажаришдан озод қилмайди.

12. КАФОЛАТ.

12.1. Пудратчи:

барча ишлар тўлиқ ҳажмда ва мазкур шартнома шартлари белгиланган муддатларда бажарилишини;

лойиҳа ҳужжатларига ҳамда қурилиш меъёрлари, қоидалари техник шартларига мувофиқ барча ишларни бажариш сифатини;

ўзи томонидан қурилиш учун қўлланиладиган қурилиш материаллари, асбоб-ускуналар ва бутловчи буюмлар, конструкция тизимлар сифатини, уларнинг лойиҳа ҳужжатларида кўрсатилган сертификатларига, ҳамда техник шартлар мувофиқлигини;

ишларни қабул қилиш ва объектдан фойдаланишнинг кафолатлари даврида аниқланган камчиликлар ва нуқсонларни ўз вақтида бартараф қилишни;

объектдан фойдаланганда муҳандислик тизимлари ускуналарнинг фойдаланиш қоидаларига мувофиқлигини кафолатлайди.

12.2. Мавжуд нуқсонлар ва уларни бартараф этиш муддатлари Пудратчи ва Буюртмачининг икки томонлама далолатномасида қайд этилади.

13. ЕНГИБ БУЛМАЙДИГАН КУЧ (форс-мажор) ХОЛАТЛАРИ.

13.1. Агар ушбу шартнома буйича мажбуриятлар қисман ёки тулик бажарилмаслиги табиат ходисалари ва бошқа енгиб булмайдиган куч ҳолатлари натижасидан келиб чиқса ва бу ҳолатлар мазкур шартноманинг бажарилишига бевосита таъсир этса, томонлар бундан қисман ёки тулик бажармаслик учун жавобгарликдан озод этиладилар.

13.2. Агар енгиб булмайдиган куч ҳолатлари ёки унинг оқибатлари бир ойдан куп вақтга чузилса, у ҳолда Пудратчи ва Буюртмачи ишларни давом эттириш ёки уларни консервация қилиш учун қандай чоралар қурилишини муҳокама қиладилар.

13.3. Шартнома амал қилиш муддати 31-декабрь 2022 йилгача ҳисобланади.

13.4 Шартнома Газначилик бошқармасидан руйхатдан утгандан кейин қонуний кучга эга бўлади.

ТОМОНЛАРНИНГ БАНК РЕКВИЗИТЛАРИ ВА ЮРИДИК МАНЗИЛЛАРИ.

«БУЮРТМАЧИ»

«ПУДРАТЧИ»

Навоий вилояти Автомобил йўллари
худудий бош бошқармаси
Юридик манзилгоҳ: Навоий шаҳри,
Гулистон қургони
ТЕЛ: 220-63-67
ФАКС: 220-63-66
Х/р: 304510860124017045162118001
Банк номи: Республика Марказий
банки Х/Р 23402000300100001010
Банк коди(МФО) 00014
ИНН 200850780
ХХТУТ 97400
КТУТ 15012865

Учкудук туман йўллардан
фойдаланиш унитар қорхонаси.
Юридик манзилгоҳ:
Учкудук шаҳри
ТЕЛ: 59-3-06-37
ФАКС: 59-3-06-37
Х/Р: 22626000900306384001
Банк номи: Миллий банк Учкудук
филиали
Банк коди(МФО) 00880
ИНН 200011280
ХХТУТ 51123
КТУТ 15016171

Газначилик бўлими: Навоий вилояти
буйича Газначилик Бошқармаси



Раҳбар

Э.Қамолов

М.Ў



Раҳбар

Э.Мўминов

М.Ў

Юрист:

Н.Қамолов

М.Ў